

Powšitkowne WOZJEWJENJA

njedźelu, 30. měrca 2014

Přiležnosć k swjatej spowědži w Róžeńće

sobotu, 5. apryla 17.00 - 18.00 hodź.	farar M. Anders, farar G. Nawka, farar B. Jakubaš, farar J. Magjera
pjatk, 11. apryla 17.30 - 18.30 hodź.	farar M. Deleńk, farar B. Jakubaš, farar H. Morawietz
sobotu, 12. apryla 17.00 - 18.00 hodź.	farar M. Anders, tach. farar W. Sćapan, farar G. Nawka, farar D. Dzikiewicz
póndźelu, 14. apryla 18.30 - 19.30 hodź.	farar M. Anders, farar D. Dzikiewicz, farar C. Hrjehor, kapłan O. Gonda
wutoru, 15. apryla 18.30 - 19.30 hodź.	farar G. Wornar, farar M. Anders, farar M. Ulrich, farar S. Foelz

„Woda žiwjenja“ w Konjecach

Džěćaca dźiwadłowa skupina Kulowskeho Bratrowstwa předstaji tutu njedźelu, 30. měrca, w 16 hodź. swoju hru „Woda žiwjenja“ na wjesnej žurli w Konjecach. Hižo wot 15 hodź. poskići so swačina w „Burskej stwě“. Tež po předstajenju budže tam składnosć k bjesadze.

Nalětni koncert 1. serbskeje kulturneje brigady z.t.

Na swój nalětni koncert přeprošuja chór z rejwanskej skupinu 1. serbskeje kulturneje brigady z.t. kaž tež hudźbnicy Serbskeho ludoweho ansambla tutu njedźelu, 30. nalětnika, w 17 hodź. do Chróšćanskeje „Jednoty“. Zaklinči moderny oratorij „Wětrnik a časy“, kotryž měješe 2006 w Smochćicach swoju premjeru. Wumělski nawod změje Friedemann Böhme. Dalši koncert budže sobotu, 5. jutrownika, w 19.00 hodź. na žurli Budyskeje Kehelernje na Thomasa Mannowej 7.

Putnikowanje swójbow

Putnikowanje swójbow ze serbskich wosadow pod hesłom „Što wěra zamóže“ do Róžanta budže pjatu póstnu njedźelu, 6. apryla. Božu mšu w 9 hodź. změje farar Měrćin Deleńk w hnadownej cyrkwi.

Pasion po swjatym Janu

W Budyskej cyrkwi Našeje lubeje Knjenje zaklinči njedźelu, 6. apryla, we 18 hodź. pasion po swjatym Janu, skomponowany wot Christopa Demantiusa (1567-1643). Spěwa Drježdžanski chór „Chortissimo“ pod nawodom Stefana Tamma. Zastup je darmotny.

Dzeń k natankowanju za maćerje

W Smochćanskim Domje biskopa Bena wotměje so sobotu, 17. meje, dzeń za maćerje k natankowanju. Raz wšědny dzeń za sobu a džěći doma wostajić, raz chwile za sebje mjeć a prosće natankować, je zaměr tutoho dnja, kotryž budže Steffi Hoffmann nawjedować. Zajimče měli so bórze přizjewić pak pod telefonowym čisłom (03 59 35) 2 23 17 abo z mailku na referent@benno-haus.de.

„Chodźić po rukomaj“

Składnostnje lětušich stotych narodnin zbóžneho martrarja Alojsa Andrickeho předstaji Budyske Němsko-Serbske ludowe dźiwadlo (NSLDž) zhromadnje ze Serbskim ludowym ansamblom (SLA) hru „Chodźić po rukomaj“. Spisała je ju Jěwa-Marja Čornakec, hudźbu skomponował je Ulrich Pogoda. Premjera budže sobotu, 12. apryla, w 19.30 hodź. na hłownym jewišću NSLDž. Dalše předstajenja budu srjedu, 16. apryla, w 10.00 hodź., sobotu, 26. apryla, w 19.30 hodź., njedźelu, 4. meje, w 16.00 hodź., sobotu, 10. meje, w 19.30 hodź. a pjatk, 16. meje, w 19.30 hodź.

Alojs Andricki je so 2. julija 1914 w Radworju narodźił a bu 1939 na měšnika wuswjećeny. Hižo po połdralětnym skutkowanju jako měšnik w Drježdžanach bu zajaty a přińdže po jatbje w Drježdžanach do Dachauskeho kaceta, hdžež 3. februara 1943 swoje žiwjenje přisadži. Swjatkownu pónđzelu 2011 bu zbóžnoprajeny.

Putniska jězba do Čěskeje

W marijanskim měsacu meji budže putniska jězba na znate putniske městna w Čěskej. Wopytamy Svatý Kopeček (cyrkej Wopytanja swjateje Marije) a Svatý Hostyn (Marije donjebjeswzaća). Přenocujemy w hotelu Flora w Olomoucu. Mjez druhim zeznajemy luboznu krajinu Morawy, krasne barokne cyrkwy, biskopske město Olomouc z baroknym hrodom a Kroměřiž z biskopskej lětnjej rezidencu a rjanym parkom (UNESCO). Jězba traje wot wutory, 6. meje, do pjatka, 9. meje. Přizjewić móžeće so pola Šmitec w Radworju, telefonowe čisło (03 59 35) 28 60, abo pola mje, telefonowe čisło (03 59 35) 2 04 25.

Terezija Kubašec